



# wantok

NESENEL

Niuspepa bilong ol Papua Niugini stret

amba 229

Bilong wik i stat long Sarere, 29 Julai 1978

Prais 10t.

# PLANTI LIDA WARI NAU


PATER JOHN MOMIS, MINISTA BILONG OL PROVINS



OL I WETIM PAIT  
LONG PALAMEN  
Lukim pes 3 insait.



Poto antap i soim Praim Minista Michael Somare wantaim meri bilong em Veronica Somare taim tupela i raun long Australia. Tupela i lukim wanpela simen ston i makim ol soldia i dai pinis long woa. Australian Information Service poto.



Poto antap i soim seketeri bilong Baibel Sosaiti Mis Joshua Daimoi. Em i stap long opis bilong Baibel Sosa long Port Moresby.

Poto daunbilo i soim ol bisop bilong Engliken Sios i bung long Englan. Kirap long lephan yu ken lukim: Bisop Rhynold Sanana (Dogura), Bisop Bevan Meredith, (Niugini Ailan), Mista Fred Reiher, (PNG Hai Komisina long Englan), Asbisop David Hand, Bisop Jeremy Ashton (Aipo Rongo), na Bisop George Ambo (Popondetta). Poto i kam long PNG Hai Komisina long Englan.



**wantok**  
(Munimapa bilong ol Pispas Niugini)

**National weekly in  
 Melanesian Pidgin.**

**Editorial Offices:**  
 P.O. Box 1982  
 Boroko

Phone: 25.2214  
 25.2552  
 Telex: NE 22213

**Branch Offices:**  
 Wewak  
 Phone: 86.2479

**Wabag**  
 P.O. Box 111  
 Phone: 57.1018

**Advertising:**  
 In P.N.G.  
 Penny Donald  
 Phone: 25.2214

**In Australia:**  
 Peter Halse Associates  
 King York House  
 32 York Street  
 Sydney (2000)  
 Phone: 29.7527  
 Telex: 21.409

**Subscription Rate:**  
 Annual: K8.00.



## OL PIPEL I TING WANEM LONG OL LIDA?

Long namba tu wik bilong Ogas bai palamen i kibung gen. Wanpela bikpela tok tru bai kamap long en. Gavman i laik paitim tok long wanpela bikpela nupela lo bilong bosim wok bilong ol memba bilong palamen. Dispela ol i save kolim Lo Bilong Wok Lida. Praim Minista Somare i bin autim dispela long mun Mas yet na planti memba yet i bin kalap nogut long harim.

Inap nau, planti memba i bin autim tingting bilong ol long dispela lo. Sampela i laikim, sampela nogat.

Lo Bilong Wok Lida i tok klia olsem: ol memba i tambu long mekim wok bisnis long taim ol i stap memba bilong palamen. As tingting bilong dispela lo i olsem: I nogut, memba i holim tupela wok wantaim: wok bilong gavman na wok bilong em yet. I nogut, memba i promis long ileksen long helpim ol pipel, tasol bihain em i wok long helpim bisnis bilong em.

Yumi olgeta i save pinis long wanpela tok i raun long planti ol as ples. Ol pipel i save tok olsem: "Ol memba i go long palamen bilong kirapim bisnis tasol." Ol i lukim pasin bilong planti memba na ol i ting, wok palamen em i wanpela kain wok bisnis tasol. Memba i go long palamen na i kisim nem. Em i kamap bikpela man. Orait, nau em i taitim bun long mekim go het bisnis bilong em yet. Planti pipel i pilim olsem, wok gavman em i namba tu samting tasol long tingting bilong ol dispela kain memba.

Wantok niuspepa i save kisim planti pas moa long ol pipel i bel nogut, long wanem ol i no save lukim memba bilong ol liklik. Nogat. Ol i votim em pinis, em i go insait long palamen, na em i go olgeta - i no save ripot liklik long ol, i no save sindaun harim wari bilong ol. Nogat tru. Em i save raun long taun tasol.

Taim sampela bikpela man bilong gavman i bin autim dispela Lo Bilong Wok Lida, ol i save pinis long dispela pasin bilong planti memba na ol i laik wokim lo bilong pinisim dispela pasin. Long wik i go pinis Pater Momis i tokaut klia tru wantaim moa long dispela Lo Bilong Wok Lida. Na em i tokaut stret: man i no laik lusim bisnis bilong em taim em i kamap memba, orait, em i no ken kam insait long gavman.

Wantok Niuspepa i yesa long dispela Lo Bilong Wok Lida, bikos mipela i pilim em i laik bilong ol pipel tu. Oltaim ol lida i tok olsem: laik bilong ol pipel yet i mas bosim gavman; laik bilong ol pipel i mas bosim wok bilong ol memba ol i bin ilektim. Mipela i wan tingting wantaim ol pipel. Em tasol. I no samting bilong politik.

## OL I WETIM PAIT LONG PALAMEN NAU

Praim Minista Michael Somare i stap longwe long ples. Em i stap nau long Singapore na HongKong. Em i stap longwe tru long pait i go hat moa namel long ol lida insait na ausait long gavman bilong em hia long PNG.

Namba tu praim minista na lida bilong Pipels Progres Pati, Mista Julius Chan, i insait tru long dispela pait long Lo Bilong Wok Lida. (Lidasip Lo) Mista Somare yet i bin autim dispela lo long mun Mas na nau em i laik bringim tru insait long palamen, taim em i kibung long mun Ogas. Bihain Mista Somare i lusim PNG, Mista Chan i autim tok long redio egens long ripot Pater John Momis, Minista bilong ol Provins i bin givim long redio na niuspepa. Pater Momis i strong moa long dispela pablik tingting: ol na minista na lida bilong gavman i laik mekim wok bisnis bilong ol, ol i no ken stap long gavman wantaim.

Dispela em i namba wan tingting bilong Praim Minista tu, tasol bihain sampela arapela memba i strong long em i mas senisim dispela lo liklik. Pastaim em i ting long mekim olsem, tasol ol strongpela man insait long Pangu Pati na gavman i tok nogat. Em i mas larim lo i strongpela. Olsem na Pater Momis i kirap autim gen dispela strongpela Lo Bilong Wok Lida, o Lidasip Lo.

Planti lida bilong Pangu na gavman i pret nau. Sapos dispela lo i kam insait long palamen, na planti memba i vot egens long en, bai gavman i pundaun. Mista Iambakey Okuk, Lida bilong Oposisen, bai traim hat moa long mekim olsem. Na sapos Yunaitet Pati i join wantaim em na sampela Pipels Progres Pati tu i helpim em, bai em i win tru.

Long toktok bilong em, Pater Momis i tok save olsem: Sapos ol memba i no laikim dispela lo, orait, bai Pangu Pati mas wok long bungim ol lida bilong plan-

ti planti kain grup na pati na wokim wanpela gavman inap long bihainim laik bilong ol pipel yet. Long wanem, em i ting, ol pipel tu i laikim dispela strongpela Lo Bilong Wok Lida. Na sapos dispela nupela grup lida i ranim gavman, bai ol i pasim rot bilong ol ausait kampani na ol i no ken bosim wok bisnis long dispela kantri.

Long tok bek bilong em, Mista Chan i soim em i belnogut long dispela lo. Em na planti bikpela memba bilong pati bilong em i bisnisman na ol i bin traim stiaim tingting bilong Michael Somare long senisim lo liklik. Ol i bin pilim em i laik senisim, tasol nau ol i lukim em i no laik. Mista Chan i belnogut tu long wanem Mista Somare i no bin toktok wantaim em long namba wan taim em i bin autim dispela aidia bilong em long palamen long mun Mas. Na Mista Sergius Arek, siaman bilong dispela Pipels Progres Pati, i pilim Pangu na Somare i bin wokim dispela lo egens long PPP yet.

Mista Chan i wari nau long wanem ol dispela pait long toktok i brukbrukim kantri na i katim planti hap. Em i tok, dispela kantri, i wetim strongpela lida i ken ranim strongpela gavman na stiaim gut go hef bilong dispela kantri. Tasol em i stap we?

Dispela Lo Bilong Wok Lida (Lidasip Lo) bai bikpela samting tru long palamen nau. Somare na Momis na ol bikpela man bilong Pangu i strong long en. Iambakey Okuk i egens. I luk olsem Pipels Progres Pati i egens - tasol Mista Chan i no bin tokaut klia tru long dispela. Yunaitet Pati bai mekim wanem? Papua Besena bai vot olsem wanem? I no klia yet.

Olgeta politikal lida nau i resis na i paitim tok na i wokim grup i gat inap namba long ranim gavman sapos gavman bilong Pangu na Somare i pundaun. Na i ken pundaun, sapos Pipels Progres Pati i no sambai nau long Somare, tasol i join wantaim Okuk.

## ASKIM NA BEKIM

Mipela hia long Wantok i save kisim planti pas i kam long ol pipel. Olsem nau mipela i laik kirapan wanpela nupela wok long Wantok Niuspepa. Dispela nupela wok yumi kolim "Askim na Bekim".

Askim na Bekim bai wok olsem. Sapos yu gat wanpela wari o wanpela askim, orait, yu ken i kam long Wantok. Na Wantok bai i traim bekim askim bilong yu. Bai mipela i ken askim ol saveman nabaut nabaut hia long Mosbi na bekim askim bilong yu.

Maski wanem kain wari bilong yu. Salim pas i kam na mipela bai wok long bekim pas na pinisim wari bilong yu. Salim pas i kam long

Askim na Bekim  
Wantok  
Box 1982,  
Boroko.

# PAS I KAM LONG OL PIPEL

## MIPELA WARI TRU

Dia Edita - Mi laik mekim toktok olsem wanpela sitisen bilong PNG. Dispela samting i bin kamap long boda bilong PNG na Irian Jaya. Em i wanpela bikpela samting tru. Yunaitet Nesens inap stretim dispela bikpela trabel olsem tromoi bom klostu long PNG boda.

Yunaitet Nesens i gat lain soldia bilong em ol i kolim "Peace Keeping Troops" em inap was long boda. Somare-Chan - dispela toktok politik bilong yutupela wantaim Indonesia em long ausait tasol. Long insait tru bilong Indonesia em yutupela i no gat save tru long en. Long 1965 taim Presiden Sukarno i stap em i bin pait wantaim Dutch Gavman i rausim ol na kisim Wes Irian.

Sukarho em i bin trik na i tok em bai rausim Dutch Gavman na em bai holim Wes Irian bihain, givim Independens. Man, dispel em i mama bilong giaman i stap long em. Nau yumi lukim ol wantok bilong yumi Wes Irian nau ol i trai hat long kisim Independens.

Mi laik askim tupela lida na ol politik man long PNG. Dispela bom ol smi nilonh Indonesia i tromoi o em i wanem samting? Mi wanpela man nating long PNG, rabis tok bilong mi i olsem ol i testim tasol samting tru i stap insait yet i no kam aut. Ating long yia 1982 i go inap 1985 bai i gat sampela samting bai i mas kamap.

Las tok bilong mi i go long Somare - Chan na ol bikman bilong politik, yupela i mas sindaun gut na toktok na bringim bek dispela wok bilong P.N.G.V.R. na ami kedet bek long ol haiskul. Ating dispela em i gutpela samting tru long lainim ol yangpela na ol bikman i laik pait. Yumi save pinis long sampela we. Em nau yumi i stap em no gat tru ya. Ol Indonesia i ken wokabaut i kam insait long

kisim PNG na narapela samting Intiligens Sevis bilong i no gat tru wanpela we bilong stopim ol man i save kam insait long PNG.

Dispela ol pipel i mekim dispela wok i mas opim ai na yau, maski long slip. Narapela samting Intiligens Sevis long PNG i no gat tru wanpela gutpela samting bilong wok. Dispela long wanem PNG gavman i slip tumas i no wekap. Bipo tru mi save sapotim Pangu tasol nau mi no gat wanpela bilip long Pangu gavman.

Ating em tasol ol Wantok fida. Sapos wanem rida i laik bekim, orait gohet na bekim tasol i go long Wantok.

Bob Augwi,  
Manus.

## OL MAMA IMPOTEN

Dia Edita - Mi wanpela yangpela boi bilong Tsak Pumakos na mi sapotim pas bilong Rosa Amaiim. Amaiim, olgeta stori yu bin raitim long Wantok Niuspepa em i tru na mi tu mi bilip long tok bilong yu. Tru susu em bilong kaikai em taim mipela kamap long bel bilong ol mama bilong yumi.

Tru bel em haus bilong mipela olgeta manmeri. Ol brata, yupela olgeta taim yupela komplem long susu na dres na klos na tu yupela tok sem long ol mama na susa bilong yumi yet. Mi tokim yupela ol brata bilong mi.

Sapos mama na susa ol i no i stap long dispela graun bai yu na mi. Mitupela bai kamap olsem wanem. Nau tu mipela man tasol i stap long dispela graun na no gat meri dispela graun bai yu na mi kamap long diwai, ston, wara, o long graun. Ol brata bilong mi, mi tokim yupela na yupela mas harim gut na putim long tingting bilong yupela.

Em i olsem. Sapos wanpela mama pik tasol i stap long haus bilong yu. Em bai karim 3 o 4-pela pikinini na dispela pik em i no givim susu bilong mama pik long ol liklik bilong em

bai olgeta liklik pik bai i dai. Mi tokim yupela pik mama i gat susu na em i save givim susu na ol save kamap gut na strong moa.

Ol liklik pik ol i kamap strong pinis ol save lusim mama pik. Em i wankain olsem long yumi manmeri bilong graun. Sapos papa na mama tupela i karim mipela pinis na mama bai mekim bikpela wok long givim susu. Sapos nogat susu bai pikinini i dai. Long wanem mama i hatwok na pilim pen wantaim na karim mipela na givim susu long mipela.

Mama save givim susu na hap kaikai bilong em na mipela olgeta manmeri i kamap strong na bikpela manmeri. Yu ting papa bai tingim yu. Sapos papa tasol i stap na lukautim mi bai mi i no inap i stap gut. Long wanem mi no amamas wantaim papa. Em i olsem, mama i stap mi save kaikai gut na slip gut na ran gut na ol kain kain wok mama save dabolim.

Olsem na mi tokim yupela ol yangpela man long olgeta hap long PNG. Na tu yupela i no ken tok bilas na kros long meri olgeta taim.

Husat man i no klia long tok bilong mi, orait yu mas raitim pas i go bek long Wantok Niuspepa na bai mi ken lukim. Em tasol.

John Komb Wanjo,  
Pumakos/Enga

Salim ol pas  
i kam long:

WANTOK  
BOX 1982  
BOROKO

## VILES KOT WIN

Dia Edita - Mi autim bikpela tok amamas bilong mi long Laigam insait long Enga Provins. Bipo tru long Batas na Tultul na i kam inap long kaunsil i no gat pawa tru long daunim pait na kros long provins bilong mi. Nau gavman i statim viles kot long PNG.

Dispela taim provins bilong mi i kamap gut ol man i wok long viles kot.

Ol dispela lain i mekim bikpela wok tru long provins bilong mi. Bipo planti kot i kamap long opis bilong gavman kain kain kot i kamap na opis i pulap tru long man. Dispela olgeta kot i kamap long viles kot olsem mipela hetman bilong sios na bisman na lida bilong ples yet i laikim gavman i givim moa pawa.

Tru long dispela lain na tu gavman i lukautim dispela lain i gat pawa tru long mekim wok tru long lukautim pipel long provins bilong en. Tu mi lukim ol i wok long viles kot dispela ol man i wok long en mi lukim kuskus bilong viles kot i mekim bikpela wok.

Long wanem ol i raitim kain kain pepa i go long ol pipel olsem ol kuskus i kisim wankain pe olsem mejistret i no antap long mejistret, ol mej' tret i wok bung. Tok sol na kuskus i gat bikpela wok tru long viles kot. Mi laikim gavman i lukautim tru dispela lain em mobeta. Em tasol. Tenkyu.

Paiyao Parapi,  
Laiagam/Enga

## LIDA BILONG HUSAT?

Dia Edita - Mi laik autim wari bilong mi i go long Wantok Niuspepa. Insait long kantri bilong yumi PNG i gat kain kain lida kain kain skin tok ples, kain kain wok. Tok ples bilong yumi PNG em i tok pisin na motu.

Na piling bilong mi, Mi pilim olsem sampela lida bilong yumi yet long PNG. Tasol sampela bilong yumi i no helpim ol pipel insait long ol viles. Sampela lida i wok long bagarapim pipel na bringim pait i go insait long ol viles pipel. I no pipel bai bagarapim kantri bilong yumi PNG. Nogat. Sampela lida bilong yumi yet. Sampela rot o poin bilong bagarapim em hia.

No gat tok save long go insait long viles pipel. Tingting tumas long kisim bikman bilong yu yet. Tingting long poket bilong yu tasol. Bihainim laik bi-

long yu tasol. Yu no so yu yet yu bilong dispakantri. Plis tingting p taim long ol viles pipel.

Pipel long viles i gat mekim wok olsem yu. Tru yu t gat wok tasol dispela w yu mekim i gat bekim amamas bihain long tup wik. Em olsem yu kis mani long fotnait. Ta yu tingim ol pipel aus long taun. Ol i wok hat sol ol i no kisim aman bihain tasol long tup wik.

Nogat. Ol i wok hat i kisim amamas bilong i k bihain long sampela y No ken bungim tingti we na pasin bilong tau wankain long ol viles piy Nogat. Sindaun na wo baut bilong viles pipel. yu mas helpim sampela sin bilong taun.

Tasol, yu no ken i go mas hariap. Nogat. Stat isi pastaim. No i pulimapim olgeta save long i go kwik, brel brek liklik pastaim.

Em tasol wari bilong piling bilong mi. Yu hu i laik bekim pas bilong Bai mi amamas tasol i baim na ritim long W tok Niuspepa.

Benny Sami  
Torembi/Is Sep

## GRAS LAIN WOK HAT

Dia Edita - Nau mi autim wari bilong mi e olsem. Bipo ol man i save rit na rait ol i wok na kisim mani na nau no laikim ol. Bikos o laikim ol saveman na no givim mani ol ki bipo ol i givim hap man

Na ol tu i no givim h tu ol i tok em i le Leba em i pik o dok na i man. Man i gat ting long wok. Leba ol i luk meri na pikinini long i na kam wok mas tingim Em tasol. Husat i bekim, rait tasol i k long Wantok.

Poi Frie  
Panguna/Bougainvi

# PES BILONG OL MERI

## LO BILONG KAIKAI

Hia em sampela we long lukautim gut famili bilong yu na givim ol gutpela, gutpela kaikai long ol.

PASIN BILONG GIVIM  
KAIKAI LONG LIKLIK  
PIKININI

- 1) Brukim kaikai na paitim i go liklik liklik
- 2) Kisim wanpela liklik plet
- 3) Kisim wan wan kaikai na putim long liklik plet na givim long pikinini.

Taim yu laik givim kaikai long ol liklik pikinini yu no ken givim kaikai olsem twistis, loliwara, swit basket. Dispela kaikai yu no ken baim long stua.

Mobeta yu go long maket na baim muli, popo, banana mau na pamken. Sapos yu laik baim kaikai long stua, yu mas baim tin pis, tin mit, gris, rais, plaua, majarin, na bret.

KAIN KAIKAI YU GIVIM  
FAMILI BILONG YU  
OLGETA DE

Dispela em i nem bilong ol kaikai yu mas kisim wan wan long ol. Bai yu givim gutpela kaikai long famili long olgeta de. Em hia nem bilong ol kaikai long

wan wan lain kaikai.

- 1) Kaikai bilong givim strong long wok: sak-sak, taro, yam, kaukau, kokonas, banana, suga, gris na rais.
- 2) Kaikai bilong mekim strong bodi: Pinat; tin pis, kakaruk, kiau, tin mit, na abus.
- 3) Lukautim bodi pasim rot bilong sik na sua: popo, kumu, muli, tomato, banana, banana mau, mango.



Poto antap i soim wanpela studen bilong Yarapos Haiskul long Wewak i bin go long Australia bai ol spesel dokta i ken stretim bikpela sik bilong em. Nem bilong neri ya, Grace Wabar, na sik bilong em: hat bilong em i jat hul insait long en na olsem em i no pamim blut gut.

Grace em i bilong Koil Ailan na i stap long gret nain 9) long Yarapos. Long famili bilong en i gat 3-pela boi na 3-pela meri. Na papa bilong em, Tony Wabar Kajakai, em i wanpela bisnisman long Wewak; em i man bilong lukautim pis na salim long maket.

Papa nau i go wantaim Grace na tupela i bin flai i go long Prince Charles Haus Sik long Brisbane. Rotari Klap bilong Brisbane na bilong Wewak - tupela wantaim i bin baim haus sik na dokta. Na Helt Dipatmen bilong PNG i stretim olgeta wok wantaim haus sik.

Mista Wabar i tenkyu long Air Niugini i bin baim rot bilong tupela.



Poto antap i soim Sista Mary Kavo bilong Lae haus sik i stap long spesel skul bilong ol nes long Australia. Hia em i wok wantaim wanpela spesel masin bilong pulim win i go insait long maus bilong manmeri i no pulim win moa.

Australian Information Service poto. Terry Bowe i kisim.

## EM GUTPELA KAIKAI




### KAUKAU WANTAIM MIT

**Yu mas gat:**  
wanpela tin mit  
sampela kaukau yu kukim pinis  
sampela anien  
pepa na sol  
wara bilong sol muli  
milis bilong kokonas

**Yu mekim olsem:**

Katim kaukau liklik liklik. Katim mit liklik liklik na putim wantaim kaukau. Nau putim sol na pepa na anien i go insait, wantaim sampela wara bilong sol muli. Bihain em i tan pinis, orait, yu kapsaitim milis bilong kokonas antap long en.



## PREN BILONG YU INAP OLTAIM

# EVINRUDE

NAMBAWAN AUTOBOT MOTO

6H.P 15H.P 25H.P 35H.P

PLANTI SPEA PAT I STAP

PRAIS I DAUNBILO NAU

BAIM TUDE LONG

## BOROKO MOTORS

And Subdealers



THE INVESTMENT CORPORATION OF PAPUA NEW GUINEA



*Long poto antap yumi ken lukim sampela man bilong Tari long Saten Hailans i sanap holim winmani ol i bin kisim long Invesmen Koporesen ofis klostu long ol.*

BAIM SEA LONG INVESMEN KOPORESEN  
BILONG PAPUA NIUGINI

*na bai yu kisim winmani bilong wangepela  
bikpela bikpela kampani tru*

Sapos yu laik save moa long we bilong kisim  
winmani, yu rait long: Investment Corporation  
P.O. Box 155  
Port Moresby

NEM BILONG YU: .....

ADRES BILONG YU: .....

.....

# NIUS I KAM LONG PROVINS

Iorobe Provins

## OL I PAINIM HAMAS GOL MANI

Long mun Septemba long yia i go piñis ol man bilong wok gol long Morobe Provins i in winim ol arapela provins long wok gol bilong ol. Ol i bin winim K71,702.12 long ispela wok bilong ol.

Long Isten Hailans na Westen Hailans na Madang Provins - tripela wantaim i bin ainim goi long K14,004.89 long dispela mun Septemba tasol.

Long dispela mun ol i no bin wokim gol olgeta long Is Sepik, we ol i bin wokim gol ipo.

## OL MADANG MAS RITIM

Nesenel Gavman i makim pinis dispela mani long yia 1978 bilong ol dispela samting long MADANG PROVINS

HUSAT BOSIM	BILONG DISPELA WOK	HAMAS
Almami LGC	Rot - Sikor	12,000
Arabaka LGC	Rot - Aiome - Simbai	10,000
Bundi LGC	Rot - Bundi - Ramu	20,000
Josephstaal LGC	Rot - Josephstaal - Bogia	12,000
Naho Rawa LGC	Rot - Tauta - Ranara	14,000
Rai Coast LGC	Rot - Madang - Rai Kos	20,000
Simbai LGC	Rot - Simbai - Aiome	20,000
Sumgilbar LGC	Rot - Aronis - Garup - Budum	10,000
Usino LGC	Rot - Negeri	20,000
Eria Atoriti	RIP Bosman	13,293
Yawar LGC	Rot - Bogia - Josephstaal	10,000
D.O.I.C. Simbai	Westen Schroeders	600
D.O.I.C. Madang	Ples Balus - Wanuma	6,000
Ol Kaunsil	Stretim Ol Samting	21,000
Karkar LGC	Rot - Warat - Ulun Namba 2	1,500
Astro Bay LGC	Rot - Duwai - Mabekulu	12,000
Karkar LGC	Rot - Ulun No 1 - No 2	2,000
Sumgilbar LGC	Wara Saplai - Liksal - Megiar	7,000
Arabaka LGC	Klasrum - Annaberg	5,000
Yawar LGC	Wara Saplai - Boikulu	3,400
Yawar LGC	Masin Bilong Brukim Rais	1,800
Almami LGC	Mambu Wara - Medebur	2,000
Almami LGC	Mambu Wara - Moap	500
Ambenob LGC	Rot - Hobe	4,000
Naho - Rawa LGC	Rot - Bopirumpum - Gomumu	5,000
Wildlife Officer	Wok pukpuk	3,200
Sumgilbar LGC	Rot - Banap - Dorum	3,000
Almami LGC	Kopi Masin (6)	840
Yawar LGC	Kopi Masin (4)	500
Yawar LGC	APO's Long Trening (2)	1,000
Arabaka LGC	Rot - Nodabu - Misinki	2,000
Arabaka LGC	Dabol Klasrum - Aiome	3,000
Josephstaal LGC	Kopi Masin (4)	1,600
Josephstaal LGC	Pam Wara (2) - Ivarai - Grimbun	1,000
Josephstaal LGC	Et Pos (2) - Ambuk - Bangasav	800
Josephstaal LGC	Haus Tisa - Katiati - Josephstaal	5,000
Yawar LGC	Rot - Bosmos - Giri	8,000
Naho - Rawa LGC	Et Pos - Ranara	1,000
Naho - Rawa LGC	Haus Tisa (2) - Ranara	2,800
Astro Be LGC	Et Pos - Soya	2,200
Astro Be LGC	Heo's Haus - Illeg	6,000
Simbai LGC	Rot - Simbai - Tabibung	10,000
Eria Atoriti	Stretim Ol Samting	29,909
	Olgeta	337,442



Galp Provins

Opis ov Infomesen foto.

## OL SEVIS KAUNSIKA MAS KISIM PE

Poto antap i soim memba bilong palamen bilong Kerema, Mista Aron Noaio, i bin tok gavman i mas wokim wanpela lo long baim ol viles kaunsila i sevis pinis.

Mista Noaio i tok, ol dispela kain kaunsila i bin wok hat inap planti yia long helpim ol pipel na olsem gavman i no ken lusim ting long dispela samting, bihain ol i lapun na i no inap moa mekim dispela wok kaunsila bilong ol.

Em i tok moa: ol lokal gavman kaunsil i save wok wantaim ol provinsal gavman na ol tu i wanpela hap bilong nesenel gavman yet.

Mista Noaio i tok, em i no save sapos sampela arapela provins i save givim dispela kain liv pe long ol sevis kaunsila, tasol provins bilong em, em Galp Provins i no save mekim olsem. Planti ol kaunsila i bin lusim planti taim long wok bilong ol, tasol bihain ol i rabis na i no gat samting. Em i ting Goroka tasol i gat wanpela gutpela lo olsem.

Mista Noaio i laik bai nesenel na provinsal gavman i lukim gut dispela wari na gaim na helpim ol sevis kaunsila.

## Wes Nu Briten Provins

### AIR NIUGINI OPIS LONG KIMBE NAU

Mista Bruce Jephcott, Minista bilong Transpot, i bin opim nupela opis bilong Air Niugini long Kimbe long Wes Nu Briten.

Long dispela taim em i bin tok olsem: insait long tripe-la yia nau Air Niugini i no bin apim pe bilong flai long balus; tasol bihain long tupela moa yia, ating, bai ol i apim pe.

Em i tok, long tingting bilong em, dispela hap bilong Kimbe na Hoskins i gutpela ples tru bilong bringim ol turis i kam.

Long dispela taim Praim Minista, Michael Somare, na ol kabinet minista bilong em i bin mekim kibung bilong ol long Kimbe tasol. Ol bikpela lain minista ya i save bosim kantri, i save raun long wan wan provins na putim kibung bilong ol, bai ol pipel i ken lukim ol na ol yet i ken lukim ol wan wan provins na wari bilong en.

## PABLIK TOK SAVE

Liquor (Licensing) Act 1963 - 73, as Amended

DISPELA EM I WANPELA WOK OL I LAIK MEKIM ANINIT LONG  
SEKSEN NAMBA 76B - BILONG WOKIM OL LO BILONG MAKIM  
AUA BILONG BAIM NA SALIM STRONGPELA DRING LONG OL  
HOTEL NA TAVEN NA Klap.

Tude i gat planti blakmaket insait long kantri, we sampela pipel i no gat laisens olgeta, i save salim bia na strongpela dring long bikpela prais. As bilong dispela trabel em i bikos ol aua bilong salim bia na strongpela dring long ol hotel na taven na klap i sotpela. Olsem nau Komisn Bilong Bosim ol laisens Bilong Strongpela Dring i laik bihainim hap namba 76B bilong Lo Bilong Dring, na i laik makim sampela nupela aua bilong salim-strongpela dring long ples we wanpela ba o taven o klap i save mekim wok bilong em.

Nau mipela i laik tok save long ol provinsal gavman na lokal gavman kaunsil na eria atoriti na ol manmeri nating long dispela tingting bilong mipela. Sapos sampela manmeri i gat tingting o aidia long dispela samting, sapos ol i laikim dispela tingting o ol i egens long en, orait, ol i ken salim tok long en i go long hetkota bilong Komisn Bilong Bosim Ol Laisens Bilong Strongpela Dring long Port Moresby. (Mipela i givim adres daunbilo). Ol i ken salim dispela tok tu i go long opis bilong dispela komisn long provins bilong ol yet. Tasol pas bilong ol i mas kamap bipo long Fraide, de namba 18 bilong mun Ogas, 1978.

Komisn i laik mekim bai ol aua bilong baim bia na strongpela dring long ol hotel na ba na taven na klap i olsem:

\* Taim bilong baim bia na strongpela dring long olgeta de bilong wik, stat long Sarere, em i stat long 9 klok moningtaim na i go inap long biknait stret.

\* Long Sande i tambu olgeta long salim strongpela dring.

\* Olgeta ples i salim strongpela dring i mas salim kaikai tu.

Mi yet mi raitim dispela tok long Port Moresby long de namba 13 bilong mun Julai, long yia 1978.

Liquor Licensing Commission  
P.O. Box 6976  
Boroko.

MARK K. YERE  
A/Chief Commissioner

## 6 - PELA EDUKESEN BIKMAN I GO

### LONG BIKPELA KONPRENS

I gat bikpela konprens bilong ol minista bilong edukesen bilong ol kantri bilong Esia na Pasifik long biktau Kolombo long Sri Lanka, stat long de namba 24 bilong Julai i go inap long namba wan de bilong Ogas.

Las taim i gat dispela kain bikpela konprens em i lon yia 1971. As tingting bilong dispela konprens em i lon skelim gut ol pasin bilong edukesen long wan wan kant na lukim sapos em i pas gut long kalsa na bisnis na lai bilong ol pipel.

Ol dispela man bilong PNG i go long dispela konprens Mista Oscar Tammur (Minista bilong Edukesen), Mista Thomas Tobunbun (Seketeri bilong em), Mista Alkai Tololo (Seketeri bilong Edukesen), Mista Ken Whit (Opisa bilong bosim ol helpim i kam long ol ausait kantri), Dokta Vincent NeNamara (bilong Edukesen Opis Mista Vai Reva (nesenel plening opis).

### ASUA BILONG MIPELA

Long Wantok namba 226 bilong 8 Julai 1978 mipela i bin raitim wanpela stori long SP i bin presen long K100 long Port Moresby Komyuniti Development Grup. Mipela i bin ripot long Mista Gerry Faramus, menesa bilong SP faktori long Port Moresby, i bin mekim wanpela wok. Tasol bihain mipela i bin painimaut, em i no tru. Em i no bin mekim dispela tok. Olsem nau mipela i laik tok sori long Mista Faramus sapos sampela hevi i bin kamap long em long dispela asua bilong mipela.



# Strong Tru.

# HUSKY DYNA

Niupela trak bilong Toyota i save wok hat tru.  
Yu laik karim kago o pasindia – long biktaun  
o rot nogut long bus – dispela trak em inap.

# TOYOTA

BRANCHES AT: PORT MORESBY 25 4088 LAE 42 2322 MT. HAGEN 52 1888

**ELA** MOTORS LIMITED

MADANG 82 2188

RABAUL 92 1988

KIETA 95 6083

WEWAK 86 2255

GSP ET 013P



**OL SOMIL I LAIK PINIS NAU**

Mista Julius Chan, Minista bilong Prameru Industri, i tok yumi no ken wokim sampela moa somil long PNG, long wanem yumi hatwok long salim ol timba bilong yumi long ol ausait kantri.

Em i bin mekim dispela tok long wanpela pati long bikpela somil long Stettin Bay Timba Kampani klostu long Hoskins, long Wes Nu Briten.

Planti kantri i gat pasin bilong baim kain kain timba bilong ples na ol i no laik baim nupela kain diwai ol i save gut long en. Na ol diwai bilong PNG i nupela long ol.

Long PNG yet planti dipatmen bilong gavman na ol bisnis kampani i save baim olkain timba i save kam long ol ausait kantri. Ol i no laik baim bilong PNG stret. Mista Chan i no amamas long dispela samting, na em i egens tu long ol pipel bilong PNG i baim planti kaikai na arapela samting long ol ausait kantri . . . .

**GIVIM HANKAP LONG VILES PLISMAN**

Minista bilong Jastis, Mista Delba Biri, i bin tok olsem: Nesenel Eksekyutiv Kaunsil bilong Prais Minista i bin tok orait long ol viles kot plisman nau i ken putim yunifom na karim hankap i go wantaim ol.

Dispela bai helpim ol viles plisman, em ol i gat strong long bukim man/meri na sanap olsem plisman bilong viles kot.

Sampela provins i bin baim yunifom long ol dispela viles plisman pinis; tasol planti provins i sot long mani. Olsem na Nesenel Eksekyutiv Kaunsil i bing making K51,000 bilong baim yunifom na hankap. Bihain bai ol dispela wok bilong viles kot na viles plisman i go stret aninit long ol provinsal gavman.

**PABLIK SEVIS WOKMAN NA WOK POLITIK**

Pater John Momis, Minista bilong bosim ol Provins, i bin salim wanpela tok i go long ol primia bilong ol provins bilong skulim ol long ol na pasin bilong bosim ol pablik sevan o wokman bilong gavman insait long provins bilong ol.

Dispela tok save i tambuim ol provinsal gavman long makim o senisim nabaut ol wokman bilong gavman, bikos ol i bilong wanpela politikal pati. Long sampela provins ol pablik sevan i pilim i gat wok politik bihain long ol senis provinsal gavman i save mekim, na olsem ol i pret na i no mekim gutpela wok.

Pater Momis i tokaut klia: wok bilong senisim wanpela wokman bilong gavman i go long narapela provins o i kam long narapela provins, em i samting bilong Pablik Sevis Komisn wanpela tasol. Na ol senis na go het bilong gavman wokman i hangamap long gutwok bilong em, na no long ol politikal aidia o tingting bilong em. Maski em i bilong wanem politikal pati.

**WOKIM BISNIS LONG SEL**

Sapos yu wanpela man i stap long nambis, lukim gut ol dispela toktok. Yu inap wokim bisnis long ol dispela sel i stap long piksa. Gavman laik baim ol dispela kain sel.

Sapos yu laik wokim bisnis wantaim em long ol dispela kain kain sel, yu ramapim gut ol wan wan sel long niuspepa. Nogut i bruk long rot na mani i mas bihainim gut ol dispela lo i stap hia:

- 1) Yu ken salim ol nupela sel tasol. Maski kisim ol sel i stap longtaim long ples o yu painim long nambis. Mipela laikim nupela sel tasol.
- 2) Yu mas kisim ol sel stret long solwara. Taim yu kisim, yu mas rausim kaikai bilong en.
- 3) Yu no ken larim sel i stap long san. Nogut kala i lus o bagarap.
- 4) Yu mas salim ol gutpela gutpela sel tasol. Sapos i gat mak o i bruk liklik, yu no ken salim.
- 5) Taim yu laik salim sel, yu mas klinim gut na ka-
- 6) Salim ol sel i kam stret long -

Department of Business Development  
P.O. Wards Strip  
Port Moresby, PNG

**TAMBU TORO**

**TAMBU TORO I GO LONG PORT MORESBY.**

**TAMBU TONI LUKIM EM LONG PLES BALUS.**

**BIHAIN TUPELA GO LONG HAUS.**

HALO TAMBU TORO!

AIYO! TAMBU TONI MI KAMAMAS LONG LUKIM YU.

YU I GAT SMATPELA KAR YA!




*Poto antap i soim Prins Richard, Duk bilong Gloucester, em i sanap, i bringim tok bilong Kwin Elisabeth i kam long ol Solomon Ailans pipel long dispela de bilong independens bilong ol. Prins ya i bin redim dispela tok tok bilong em long tok Pisin yet.*

*Poto daunbilo i soim wanpela elipan ol i bin wokim long pepa na laplap, bilong makim samting i strong moa. Ol i laikim Solomon Ailans i kamap olsem tasol.*




*Antap long wanpela trak ol ol kain kain ailan wansolwara t*



*Poto bilong plak i kam long Pater Murphy, S.V.D.*

*Na olgeta arapela poto i kam long Opis bilong Infomesen.*

# SOLOMON INDEPENDENCE 7 JULAI



# ILANS

# ENS

# 178

*Poto antap i soim Praitim Minista Peter Kenilorea, i holim Buk Baibel na i mekim tok tru antap long holim gut wok bilong em long ranim kantri. Daunbilo em i wanpela lain nevi bilong Solomon Ailans.*

*dispela bikpela sia, na antap long en i gat wan wan pipel bilong lomons. Ol i kam amamas wantaim ol.*



**AIR NIUGINI**  
THE NATIONAL AIRLINE OF PAPUA NEW GUINEA



**NUPELA  
SMOKBALUS  
RESIS TRU LONG  
BRINGIM YU LONG PLES**

# TAKSI KAMPANI WIN

Jeriko Taksi na Trak Kampani bilong Port Moresby i amamas long kampani bilong ol i go het gut. Nau tasol ol i bin opim wanpela woksap bilong fiksिम ol ka na trak bilong ol long Hohola.

Mista Pita Lus, Minista Bilong Olkain Bisnis, i bin stap long taim ol i opim dispela nupela woksap na em i tok amamas tru long ol man i ranim dispela kampani.

Em i tok olsem: wok bisnis i no isi samting; i mas i gat wanpela bosman i save gut long stiaim wok na tu ol man yet i mas hat wok na taitim bun. Olgeta bisnis i olsem wanpela liklik bebi. Pastaim em i wok-abaut long as tasol, na bihain em i lainim sanap na wokabaut long lek bilong em. Jeriko Kampani i save pinis long dispela kain tok na pasin. Em i bin karim planti hevi.

Jeriko kampani i no nusam long wok bisnis. Nogat. Ol man i ranim i bin stat long 1966 olsem wanpela han bilong Buang Transpot. Long yia 1973 Opis bilong Bisnis Developmen i bin helpim ol long statim kampani bilong ol yet. Tupela lain pipel bilong Mumeng long Morobe Provins i papa bilong kampani. Man i bosim wok bilong kampani em i Mista Jerry Duje. i stori olsem: Pastaim ol pipel i laik stat-

im kampani ol i wok nabaut olsem mankimasta tasol. Ol i sevim mani bilong ol na bungim, na olsem tasol mipela i bin statim bisnis.

Tude dispela kampani i gat samting olsem 40 trak, tasol wan wan memba bilong grup i papa bilong trak bilong em stret. Dispela nupela woksap ol i wokim, em i kostim inap long K36,000. Ol memba yet i bungim K10,000 bilong statim dispela wok; na PNG Developmen Beng i dinau long narapela K26,000. Dispela woksap bai sevim planti mani long ol draiva bilong ol i wok long hap bilong Port Moresby.



Klostu olgeta trak ol i draivim, ol i bin wokim skin bilong en long Moresby tasol.

Mista Pita Lus i amamas long go het bilong dispela kampani na i tok olsem, gavman i laikim tumas helpim dispela kain lain wokman i save ranim gutpela bisnis. Em i laikim planti arapela man i go bihainim dispela eksampel bilong ol.

*Poto antap i soim Mista Jerry Dujew, em man i bosim wok bilong Jeriko Taksi Kampani.*

*Poto daunbilo i soim wanpela mekenik insait long nupela woksap long Hohola bilong fiksिम ol ka na trak na masin bilong Jeriko Taksi Kampani.*

Opis ov informesen poto..



# FANTA

TRADE MARK REGD

## IT'S A BOTTLE OF FUN



FANTA IS A REGISTERED TRADEMARK OF THE COCA-COLA COMPANY

HRME 015 6366

PABLIK TOK SAVE

I GO LONG OL FAINENSEL MEMBA BILONG PSA BILONG PAPUA NIUGINI

BIKPELA 1978 ILEKSEN BILONG PABLIK SEVIS ASOSIESEN BILONG PNG

1. Mipela i tok save long olgeta fainensel memba bilong PSA olsem: Bai i gat bikpela ileksen bilong ol nesanel eksekutyutiv. Olgeta memba i mas salim vot bilong ol i kam long mail. Taim bilong vot em i stat long 15 Septemba na i go inap long 16 Oktoba, 1978.
2. Olgeta fainensel memba inap long vot, na i stap ausait long hap bilong Port Moresby, i mas mekim eplikesen bilong kisim spesel vot pepa long salim long mail. Taim bilong mekim dispela eplikesen i stat long de namba 7 bilong Julai 1978 na i go inap long 4 klok apinun long de namba 11 bilong Septemba 1978.
3. Ol fainensel memba i stap insait long hap bilong Port Moresby, i mas mekim eplikesen bilong ol long vot, stat long de namba 7 bilong Julai 1978 na i go inap long 4 klok apinun long de namba 14 bilong Septemba 1978.
4. Sapos eplikesen bilong wanpela memba i kamap bihain long de namba 11 o 14 bilong Septemba, bai opisa bilong bosim ileksen i no ken salim vot pepa i go long dispela man/meri i bin rait bihaintaim tumas.
5. Yu ken mekim eplikesen bilong kisim dispela vot pepa olsem: yu ken raitim pas, o salim teligram o yu ken ring long teli-pon, o yu yet yu ken kam na tokim ol long nem na adres bilong yu - bai ol i ken salim dispela vot pepa i kam long yu, bihain long ol nominesen i pinis long de namba 7 bilong Ogas 1978.
6. Yu ken mekim eplikesen long ol dispela opisa:-


Returning Officer  
P.O. Box 5348  
BOROKO  
Turumu Strit  
Ring: 25.8155, 25.8326, 25.8574.

Mista Kapai Aria  
Assistant Returning Officer  
P.S.A. House  
P.O. Box 6091  
BOROKO  
Ring: 25.2377, 25.2619

Mista Richard Vagi  
Assistant Returning Officer  
Provincial Electoral Office  
P.O. Box 153  
PORT MORESBY  
Ring: 21.1977

Lukaut: Yu gat strong long vot. Yu mas yusim dispela strong. Orait, yu rait long kisim vot pepa bilong yu. Nogut yu wet. Yu aplai nau tasol long wanpela dispela opisa nem bilong em i stap hia long dispela pepa.

Mi yet mi raitim . . . .



Andrew S. Trawen  
Opisa bilong bosim ileksen  
P.S.A. Jeneral Ilekseen bilong 1978.

# STORI BILONG TUMBUNA

## STILIM MAUSGRAS LONG OL MERI

Long bipo tru planti manmeri i stap. Ol dispela lain man meri ol i stap aninit long wanpela bikpela maunten. Dispela maunten em Maun Piora i stap klostu long Kainantu.

Man, dispela taim ol meri i no isi, amamas bilong ol ya i narakain stret long dispela longpela mausgras. Sampela smatpela meri ol i waswas gut tru na komim mausgras bilong ol na mausgras i kamdaun long brost tu ya.

Olsem na long wanpela taim ol meri yet i bung i stap long haus meri na kibung i stap. Ol i pasim tok na long mekim singsing long haus meri long neks nait. Na long dispela nait olgeta strongpela, strongpela meri, lapun na yangpela olgeta i bung na kolim singsing i stap long haus meri.

Man long dispela nait ol i putim kain pilai olsem holim, holim long susu, pulim pulim mausgras bilong narapela long ol yet. Ol i singsing klostu long draipela paia na swet i no isi na ol i kaikai, singsing na swet wantaim. Ol i wok long singsing. Long dispela nait yet na wanpela pani man tu i stap na wok long

harim ol switpela singsing long haus man.

Nau em i ting long i go na lukim ol. Em i go na stap tasol long dua na paia i lait tumas long em hia. Ol meri ol i no isi long pulim mausgras. Nau em i go na putim giaman mausgras na karamapim skin bilong em gut tru wantaim purpur. Nau baga ya i redi tru na i sanap long dua.

Na baga ya belhat wantaim na i go insait long haus ol i stap long em na tupela meri i stap klostu long em. Em i paitim na pulim mausgras na spit tru i go ausait gen. Nau baga ya wok long ran yet em i putim mausgras long pes bilong em.

Taim em i putim mausgras baga ya i pundaun slip i dai tru long dispela na ol meri tu ol i slip indai pinis tu na draipela indai wantu tasol. Long nait yet dispela mausgras wok long kamap inap tru long olgeta wan wan man. Olsem na long asua bilong dispela wanpela man nau ol man i gat mausgras na ol meri i no gat.


Robin Taka U.  
Kudjip Hospital  
Mt. Hagen.



Dispela haus bai stap olsem tasol inap planti yia moa, long wanem, ol anis i no inap kaikai Hardiflex faibro.

Hardiflex simen faibro i no save krungut, i no save sting, na i no save bruk isi, na yu no mas pentim.

Hardiflex faibro em i isi long yusim, i luk nais, na i no kostim planti mani. Em i samting tru bilong wokim olkain gutpela haus long Papua Niugini.



## HARDIFLEX building board.

Burns Philp (NG) Ltd. All Branches Steamships Trading Co. Ltd. All Branches Carpenters Hardware, Port Moresby New Guinea Co. Ltd. All Branches Gabriel Chow Sing Yip & Co. Rabaul. Bowmans (PNG) Pty. Ltd. Port Moresby & Lae. Bowmans Bodeco - Kieta

## BONEO PIKSA

**Yu laik memba bilong Boneo Piksa?**

Yu kamap memba pinis, orait yu no ken baim moa blak/wait o kala film. Yu kisim fri film long taim yu salim wanpela film i kam long Boneo Piksa bilong wasim na prinim.

Na tu pe bilong Boneo Piksa i gutpela tru!

**Yu no gat kamera?**

Boneo Piksa i gat, na pe bilong em i no bikpela.

**Yu laik kamap memba bilong Boneo Piksa?**

Salim K2.00 i kam na yu kisim namba wan kala film.

**Yu laik kisim save moa long wok bilong Boneo Piksa?**

Salim pas i kam long Boneo Piksa  
P.O. Box 217  
Finschhafen.



# SAPOS MAN I HAP DAI



Planti kain samting i ken mekim man/meri i luk olsem em i dai. Em i no dai olgeta, em i hap i dai tasol.

- \* Sapos samting i paitim het bilong man.
- \* Long taim bilong pilai spot, sapos em i pundaun paitim het.
- \* Sapos lektrik pawa i kikim man/meri.
- \* Long taim bilong pait, samting i paitim em tru.
- \* Taim ka i bam o i painim birua.

Sapos man i pundaun olsem na i hap i dai, em i no inap harim tok bilong yu, em i no inap muv o toktok.

Sapos yu painim em olsem, yu mas slipim em long pasin yu lukim long dispela piksa hia. Taitim wanpela han i go ausait na pulim wanpela lek i go antap. Yu mas saitim het bilong man. Sapos man i no slip olsem, rot bilong pulim win bilong em inap pas na em bai dai.


Wanpela tambu: yu no ken givim wara long dring long man/meri i dai i slip olsem.



**Katim dispela lesen na holim i stap. Bihain yu ken wokim buk long en. Planti moa bai kamap.**


## Aveling Barford Pacific Pty. Ltd. Representing the world's leading automotive manufacturers.

Ume St. Gordon, Port Moresby. Phone 257166, 257908  
Morobe Ave. Lae. Phone 424188, Mt. Hagen. Phone 521015  
Stones Automotive Services, Kieta. Phone 956093  
Malaguna Motors, Rabaul. Phone 921751




### RYCO-FLEX

Hydraulic hose, assemblies,  
couplings, adaptors.



### NACHI

Bearings—automotive industrial  
machinery. Roller, ball, taper bearings.  
Extra small radial ball bearings.  
Single row deep-groove ball bearings.  
Double-row self-aligning ball bearings.  
Tapered roller-bearings.  
Cylindrical roller-bearings.







Baibel Sosaiti i wanpela helpim bilong ol Sios. Namba wan wok bilong em i bilong helpim ol lain bilong sios i wok long tanim tok bilong Baibel. Bihain ol i save printim na salim Tok bilong God i go. Ol i save mekim dispela wok wantaim sios na ol Kristen Buk Stua.

Ol kain kain lotu na wan wan Kristen i save helpim Baibel Sosaiti mekim ol dispela wok.


Baibel Sosaiti i kirap long London long yia 1804. As tingting bilong dispela sosaiti i olsem: Ol i laik bringim buk Baibel i go long olgeta manmeri long olgeta kantri long graun. Ol i laik bai olgeta man i ken ritim Buk Baibel long tok ples bilong ol yet. Ol i laik opim rot bai i isi tru long olgeta manmeri long kisim Baibel na ritim long tok ples bilong ol. Ol i tanim pinis long moa moa tok ples bilong ol kain kain kantri insait long wol.

Nupela Testamen long tok Pisin, Baibel Sosaiti yet i wokim long yia, 1969. Olgeta Kristen long PNG i save holim na ritim dispela Nupela Testamen long ples bilong ol na tu long lotu bilong ol. Ol i wok nau long Olpela Testamen. Ol i tok bai wok i pinis long 1980.

Long yia 1976/77 Baibel Sosaiti i bin salim 180,961 kain kain buk i gat tok long Baibel. i go long olgeta Kristen Buk Stua, na long ol kain kain lotu, na long ol wan wan manmeri.


Long yia 1976/77 ol i bin prinim 7-pela nupela buk. Namba bilong ol i olsem 26,200. Na tu long yia i go pinis olgeta Kristen i bin givim K12,708 long helpim ol wok bilong Baibel Sosaiti. Dispela yia ol i wok long painim K15,000 long helpim wok bilong Sosaiti.

Sapos wanpela Kristen i laik helpim wok bilong Baibel Sosaiti, em i ken rait i go long ol long Box 18, Port Moresby, bai ol i salim sampela tok save long ol long we bilong kamap memba.



## Coleman Lait em i San Bilong Nait

Coleman kerosin lamp em i nambawan tru long givim gutpela lait long yu. Sapos yu laik baim niupela kerosin lamp askim ol long Coleman tasol.



**Coleman**



GSB18

# PAS I KAM LONG OL PIPEL

## WOKMAN SOT LONG GRAUN

Dia Edita - Hia wanpela pasin mi lukim i no stret long tingting bilong mi. Planti mipela ol setelmen bilong Wel Pam Projek. Mi lukim bihain bai mipela i sot long graun. Bikos gavman i makim mipela inap long 99 yia bai mipela i stap long dispela lis o hap liklik graun. Mi bin aplai na winim dispela graun em i no inap long ol pikinini.

Dispela graun nau mi sindaun long en. Em inap long 2-pela pikinini na sampela bai i no gat. Mipela ol setela hia long Hoskins i gat planti pikinini. Bai ol i sot long graun bilong bihain. I gat tu sampela graun i stap long ples. Tasol em tu i no inap long ol pikinini. Mi lukim olsem plen bilong gavman bilong yumi i no gupela tumas.

Mi lukim planti ol pikinini man i marit na i stap wantaim papamama long blok. Na ol i no gat graun. Bihain namba tu wantaim namba 3 pikinini i marit. Bai i luk olsem ol bai sot long graun long yia 99. Mipela i no winim yet na mi pret nogut bihain ol pikinini bai pait long graun.

Joseph Kagl,  
Buvussi/Kimbe.

## IRIAN JAYA ASKIM

Dia Edita - Bipo mi laik

tokim aut aidia bilong mi. Mi ting yu save nem bilong mi pastaim em i olsem: Nixon Kafiar. Krismas 10. Orait em i nem na krismas bilong mi i stap long antap. Sapos laik save.

Okei em mi autim aidia bilong mi. Mi laik save progres developmen bilong Published by Wantok Publication.

Bikos mi laik save olgeta samting i kamap long graun. Bikos em yu no wari mi askim inap yu salim i kam long mi magazine Wantok Publication bilong ofis bilong yu.

Na sapos yu laik bekim leta bilong mi hia. Yu tu helpim raitim insait long tok pisin.

Orait mi no ken raitim longpela. Tasol inap mi ting insait long leta nara-pela.

Tenkyu tumas bilong yu long helpim mi. Na God i ken blesim olgeta longwe tasol yumi stap. Gut moning na gut nait.

Nixon Kafiar,  
Jayapura

## MINISTA MAS PUTIM LO

Dia Edita - Mi gat wanpela bikpela wari. Planti taim mi lukim long olgeta taun ol plantasin o long ol pablik ples. Planti ol yangpela man ol i save wokabaut long biknait tru. Samting olsem 12 klok long rot o ol taun.

Na tu ol p.m.v. ka i save wokabaut long bikpela nait. Ol i save raun long ol-

geta hap bilong liklik rot. Ol Kabinet bilong yumi long palamen ol inap wokim wanpela lo long dispela o nogat. Mi gat wari long en olsem mi askim na save tasol.

John Henny Ambane,  
Buvussi/Kimbe.

## LAIKIM BOIPREN

Dia Edita - Yes nau mi laik autim liklik wari bilong mi i go olsem. Planti taim mi save kisim Wantok Niuspepa na mi save painim olsem sampela meri i save askim long penpren na long niuspepa ol i tok ol i laikim man o meri long kamap o rait long ol olsem penpren bilong ol.

Na mi yet mi bin rait long wanpela meri na mi laik rait long em olsem

penpren bilong mi. Tasol em i no bin bekim pas bilong mi inap long tupela mun. Olsem na mi gat wari na mi rait long Wantok. Ol susa na bai yupela i ritim. Mi ting olsem ating yupela i laikim ol man tasol i rait long yupela. Ating em i luk olsem yupela i no laik penpren. Nogat. Yupela i laikim boipren ya, laka. Ol susa em tasol liklik wari bilong mi i pinis.

Sapos yu husat meri yu gat wari o belpen long dispela hap tok, plis rait tasol i go long Wantok Niuspepa na bai mi ken lukim.

Elizabeth Agnes,  
Wewak.

## KAUNSI PILAI KAS

Dia Edita - Mi wanpela kuskus bilong viles kot bi-

long Elimbari Kaunsi long Chuave. Mi gat wanpela wari olsem. Bipo Australia Gavman i bin lukautim yumi. Tasol nau yumi yet gavman na yumi stap aninit long lo.

Tasol long Sab Provins bilong mi long Chuave, Elibari Lokal Gavman Kaunsi ol i go pas long pilai kas wantaim ol pipel long viles o ples.

Ol pipel ol i pilai, em i orait, tasol ol kaunsi ol i pilai kas em mi lukim i no stret tru long mi. Olsem na mi i gat bikpela wari long dispela. Na mi askim yupela ol man save wokim nius.

Sapos husat brata/susa i laik bekim, orait, rait tasol i go long Wantok. Bai mi ken baim na ritim. Em tasol.

David Wai,  
Chuave/Simbu

# BAIM WANTOK

Sapos yu laik kisim Wantok niuspepa inap long wan yia (em i olsem 48 taim), yu katim dispela tiket long sisin na yu salim i kam long mipela wantaim K8.00.

Nem bilong yu. ....

Adres bilong yu. ....


Salim sek o mani oda inap long K8 wantaim tiket i kam long :

**WANTOK BOX 1982 BOROKO**

Sapos yu bilong wanpela skul o misin o klap o grup na yu laik kisim moa olsem 10-pela Wantok olgeta wik, orait, yu rait i kam long mipela na mipela i gat spesel prais long dispela kain samting.

Prais bilong go long Australia: K14.50 na long Amerika na Yurup long sip em i K18.20 na long balus em i K24.00.

# TULTUL TITAN



SAPOS YU WANPELA DRAIVA I SAVE RAUN LONG BUS ROT IGAT PLANTI GRAUN MALO MALO, TING TING GUT NA KISIM TITAN -ARC-TITAN WELDMES WAIA. TAIM EM REN PUTIM WELDMES TASOL LONG PLES I MALO MALO NA YU KEN DRAIVIM KAR ANTAP LONG EN.

ARC-TITAN Pty. Ltd. P.O. Box 1026, LAE. Tel. 42.3988.

# OL TESTAMEN STORI

Used by permission of the David C. Cook Foundation. Copyright 1973, David C. Cook Publishing Co. All rights reserved.

TUMORA LONG MONING BOAS I WETIM KANDERE BILONG EN, DISPELA MAN I NAMBA WAN BILONG EN. DISPELA MAN I PASLAIN LONG EN LONG BAIM GRAUN BILONG ELIMELEK, MAN BILONG NEOMI, NA BILONG MARITIM RUT.

MONING KANDERE. YU INAP SINDAUN TOKTOK WANTAIM MI LONG WANPELA BIKPELA SAMTING BILONG YUMITUPELA?

MONING BOAS. WANEM WARI BILONG YU?

MAN I SINDAUN PINTIS, ORAIT BOAS I SINGAUTIM OL BIKMAN BILONG TAUN I KAM.

NEOMI I LAIK SALIM GRAUN BILONG ELIMELEK. WANPELA BILONG YUMI I MAS BAIM BAI I STAP GRAUN BILONG LAIN BILONG YUMI. YU WANBLUT I KLOSTU TUMAS LONG NEOMI. YU LAIK BAIM DISPELA GRAUN O NOGAT?

I ORAIT, MI LAIK BAIM.


## Tumbuna Bilong Wanpela King

Rut 4

Hap Namba 1



# WANTOK SPOT PES



## YU INAP PAINIM OL WANTOK?

*Poto long lephan antap i soim (kirap long lephan) Vincent bilong Samarai (Admiralty tim), Joe Nopiri bilong Koiari viles (G.F.C. tim), Vincent bilong Manus (Admiralty tim). Ol i kik long Murray Bareks. G.F.C. i kisim 3 gol na Admiralty 1-pela gol tasol.*

*Long poto antap, man i flai em i Meali Vagi bilong Hula viles, em bilong tim bilong yunivesiti. Ol i pilai long Murray Bareks. Yunivesiti i winim Rigo: 12.11.83 poin. Na Rigo i kisim 8.13.61 poin.*

*Poto daunbilo i soim sampela man bilong tim bilong Elcom na Cape Vogel, taim tupela tim i pilai long Murray Bareks. Kirap long lephan, yu ken lukim Leslie Johson (Elcom tim) bilong Popondetta, Joseph W (Cape Vogel tim) bilong Milne Bay, Henry Thomas (Elcom) bilong Trobrian Ailan na James Yabusuwa (Cape Vogel) bilong Milne Bay. Elcom: 3 na Cape Vogel: 2.*